

2 AÑA DI PRISON PA TRAFICACION DI 5 KILO DI COCAINA

ORANJESTAD(AAN) -- Diabierna Corte den Promer Instancia a dicta sentencia den e caso penal contra e

homer U. di Nigeria, kende dia 11 di September 1994 a worde descubri na aeropuerto cu un maleta

conteniendo 5 Kilo di cocaina.

E caso aki a worde trata dia 9 di December caminda du-

rante tratamiento di e caso por a nota cu narcotraficantenan di Brasil tambe ta purba di trafica droga pa Aruba.

U. a bira un di e victimanan di e narcotraficantenan, kendenan a ofrece un maleta conteniendo 5 Kilo di cocaina.

U. a bisa Juez cu e no tabata sa mes cu den e maleta tabatin droga. Juez ta haya cu U. mester tabata sa cu den e maleta tabata contene droga. Juez ta haya cu ta masha straño cu algun Brasileiro ta acerca un persona pa simplemente e hiba un maleta cu sarbete Aruba.

Segun Juez, si a manda e sarbetenan aki via post, esaki lo a sali mucho mas barata cu cumpra un pasashi.

Fiscal a remarca cu U. ta desmenti di tabata sa cu tin e maleta tabata tin droga pero el a acepta si un ticket pa Aruba.

E ta haya cu U. mester a sospecha den e tabata trans-

porta droga. E ta considera U. como un mula cu a trafica 5 Kilo di cocaina. Fiscal a exige 4 aña di prison kitando e tempo cu U. a pasa den detencion preventivo.

Juez, siman pasa diabierna a dicta sentencia cu el a bisa cu e ta haya cu U. mester tabata sa cu den e maleta tin droga. El a condena U. na 2 aña di prison, kitando e tempo cu el a pasa den detencion preventivo. Tambe Juez a duna orden pa destrui e droga cu a keda confisca y tambe e maleta. Pa loke ta trata e placa cu a keda confisca, Juez a ordena pa duna U. 2350 Dollar mientras cu 1000 Dollar lo keda confisca.

Por a nota cu e decision aki no a cay den bon tera cerca e acusado. Juez a muestra cu U. mester tene na cuenta cu Ministerio Publico por apela e caso caminda Corte Superior lo trata esaki y cu e castigo por worde aumenta of reduci.

CASO ASESINATO NA MACUARIMA AWE DEN CORTE SUPERIOR

ORANJESTAD(AAN) -- Awe merdia, Corte Superior lo bay trata e caso penal ccontra R. Kelkboom cu a ser apela.

E caso aki ta encuanto e asesinato cu a tuma lugar

ariba e anochi di 28 pa 29 di Januari 1994 na Macuarima caminda Kelkboom a los dos tiro ariba e difunto Colombiano John Bolivar cu a resulta fatal.

Den luna di Juni, e caso aki a worde trata caminda segun

e rapport medico, un di e proyectilnan a perfora e pulmon banda robey di e victima y esaki a causa su morto.

Causa di e caso lamentable aki tabata problema amoroso cu a culmina den un tiramento fatal. E arma cu Kelkboom a usa tabata un 38 Special.

Fiscal den e caso aki a bisa cu sanger frio, Kelkboom a mata John. El a exige 11 aña y Corte dia 17 di Juni a condene na 6 aña di prison.

E caso aki lo worde trata awe merdia den Corte Superior, caminda tres Juez lo bay analisa e caso por completo.

CHOLLER A PENETRA DEN AUTO BON BON CERA

ORANJESTAD (AAN): E señora di inicial G. den oranan di marduga a topa un choller den su auto.

E vehiculo tabata hermeticamente cera y e señora ta puntra su mes ta con bini e choller lo por a penetra ey den!

E choller a bay cu boshi

yabi, chequebook, pasaporte y otro documentonan di importancia.

Relaciona cu esaki Polis a detene e joven inicial J.R.Y. di 20 aña, kende a keda encarcela pa mas investigacion.

LABCO
MEDICAL AND
HOME-CARE SERVICES

Cabuyastr.6, Ponton
Tel. 26851 - 37158
Panoord di Esso Ponton

Special
pa
Pasco

Bo kier malcria e grandi of e hende malo na cas?
Special pa e temporada aki nos tin Rolstoel (afneembaar arm/voet leuning) na preis increible di Afl.675.= so!
CU 6 LUNA DI GARANTIA

OFERTA
Cama di Hospitaal Awor pa temporada di Pasco den 4 pago sin interes, na preis reduci.

ONE TOUCH
MONITOR SYSTEM
pa check diabetico
Awor solamente Afl.195.00
BON PASCO !

CUNUCOLYMPICS !!!

